



TOSHKENT DAVLAT YURIDIK UNIVERSITETI REKTORINING BUYRUG' I

2021 -yil « 3 » 03

02-54 -son

Талабалар сафидан четлаштириш тўғрисида

Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ-5987-сон Фармонининг 2-бандида замонавий талабалар, илғор халқаро юридик тажриба ва меҳнат бозори эҳтиёжлари асосида юқори малакали, ижодий фикрлайдиган, ҳалол кадрлар тайёрлашни таъминлаш юридик таълим ва фанни янада ривожлантиришнинг устувор йўналишларидан бири этиб белгиланган. Университетда юқори малакали ва ҳалол юридик кадрларни тайёрлаш учун ҳалоллик талабларига қатъий риоя қилиш тизими яратилган.

Шунга қарамасдан айрим талабалар томонидан университет Одоб-ахлоқ кодекси талабларини бузиш ҳолатлари кузатилмоқда. Хусусан, жорий йилнинг 16 февраль куни университетнинг 1-курс талабаси Жанабаева Шахноза Дастановна университет 3-биносидаги Ахборот-ресурс маркази ёнидаги гардеробда қора рангли сумкасида уч юз минг (300 000) сўм пули йўқолганлиги тўғрисида университет Ёшлар билан ишлаш бўйича проректорига ариза билан мурожаат қилган. Мурожаатга мувофиқ кузатув камералари орқали олинган видеолавҳалар ўрганилиб чиқилганда университетнинг 2-курс талабаси Баходиров Шохжахон Ўткиржон ўғли гардеробдан ўз буюмларини олиш вақтида Жанабаева Шахнозанинг сумкасида уч юз минг (300 000) сўм пулни олиб, чўнтагига солганлиги аниқланди. Баходиров Шохжахон Ўткиржон ўғли билан Маънавият ва маърифат маркази директори ҳамда декан ўринбосари иштирокида суҳбатлашилганда Ш.Баходиров содир этган қилмишидан пушаймонлигини, бошқа бу каби ишни қилмаслигини ўз тушунтиришида маълум қилди.

Юқоридаги хатти-ҳаракатлари билан талаба Баходиров Шохжахон Ўткиржон ўғли университет Одоб-ахлоқ кодексининг 16-моддаси иккинчи хатбошиси (ҳар қандай ҳуқуқбузарлик содир этмаслик), олтинчи хатбошиси (талабага моддий зарар етказмаслик), 18-моддаси (талабалар ўзаро муносабатларда ҳалоллик тамойилига асосланиши), 26-моддаси тўртинчи хатбошиси (ҳалоллик билан ҳаёт кечириш каби олижаноб фазилатларни чуқур англаш), ўттиз учинчи хатбошиси (ўқишдан ташқари вақтда умумий қабул қилинган одоб-ахлоқ нормаларига риоя этиш, ғайриижтимоий хатти-ҳаракатларга йўл қўймаслик) талабларини бузганлиги аниқланди.

Ўзбекистон Республикаси Вазирлар Маҳкамасининг 2017 йил 20 июндаги 393-сон қарори билан тасдиқланган Олий таълим муассасалари талабалари ўқишини кўчириш, қайта тиклаш ва ўқишдан четлаштириш тартиби тўғрисидаги низомнинг 36-банди "г" кичик банди, Олий таълим тўғрисида низом (рўйхат рақами 1222, 2003 йил 22 февраль) 51-банди, Тошкент давлат юридик университети Одоб-ахлоқ кодексининг 16, 18, 26-моддалари ҳамда университетнинг Ички тартиб қоидалари (ички меҳнат тартиби қоидалари) 83-бандига асосан, университет Одоб-ахлоқ комиссиясининг хулосасига мувофиқ

Б У Ю Р А М А Н:

1. Университетнинг Хусусий ҳуқуқ факультети 2-босқич талабаси Баходиров Шохжаҳон Ўткиржон ўғли университет Одоб-ахлоқ кодексининг 16-моддаси иккинчи ва олтинчи хатбошилари, 18-моддаси, 26-моддаси тўртинчи ва ўттиз учинчи хатбошилари талабларини бузганлиги учун талабалар сафидан четлаштирилсин.

2. Маънавият ва маърифат маркази факультет деканлари билан биргаликда мазкур буйруқ мазмун-моҳиятини талабалар эътиборига етказилиши ва ҳар бир академик гуруҳда кенг муҳокама қилинишини ташкиллаштирсин.

3. Хусусий ҳуқуқ факультети декани (Б.Ходжаев) мазкур талабанинг шахсий ҳужжатлар йиғмажилдига буйруқ нусхаси тикилишини таъминласин.

4. Аризачи Жанабаева Шахзода Дастановнага мазкур масала юзасидан ички ишлар органларига мурожаат қилиш ҳуқуқи тушунтирилсин.

5. Мазкур буйруқ ижросини назорат қилиш проректор А.Хашимҳонов зиммасига юклансин.

Ректор

Р.Ҳакимов